

Ngeihcib Bi Dauqma Ranzmbanj

贵港市覃塘区蒙公镇英峨小学五年级 Cinz Sinhyingj/陈欣颖

Seizgan lumj naq, yaepda couh gvaq ngeihcib bi, gou ndawsim gikdoengh raixcaix, maqmuengh vaiq di ma daengz ranzmbanj—Mbanj Yinghngoz.

Byaij daengz bak mbanj, o, neix lij dwg aen mbanj iq hojndog haenx lwi? Gizneix caen lumj diendangz ityiengh.

Yawj, gizneix gofaex hungloet sangvid, mbawfaex mwncupcup, gwnz gofaex duzroeg ciengqgo cici caca, ndeidingq raixcaix, baihlaj gofaex dwg suenva gyaunde, va hai homfwd, mbungqmbaj mbin hwnj mbin roengz, miz geij laeq lwgnyez dwggyaez youq gizneix caeuq mbungqmbaj guhcaemz, angq ndaej riugekgek mbouj dingz.

Yi, geizgvaiq lo, baihnaj miz geij diuz loh gvangqlangh sohsud, hoeng cungj mbouj raen saek gyaq heiqli, gij heiqli cungj bae gizlawz lone? Gou ndwn youq gizneix yawj le haujai nanz, laxlawz heiqli cingq youq gwnzmbwn mbin ne, heiqli cungj dwg yungh hoengheiq daeuq fatdoengh, mbouj miz saekdi uqlah, gwnz loh caiq hix mbouj miz ci saek, hix mbouj miz ci doxbungq oksaeh, gyoengqvunz youq gwnz loh byaij gig cuengqsim.

Baihde miz doengh laeuz sangvid ndeu, daihgaiq miz 1000 caengz, gwnz laeuz sang sij miz geij cih saw

hung—Yinghngoz Yozyau. Byaij bae coh hagdangz, youq henz bakdou mbouj raen miz bouxhendou, gou ndwn le yaep he, cijraen gwnz bakdou “di” sing ndeu, yienh’ok mbawsiengq gou, baihlaj lij miz genjgai gou, sawqmwh gwnz bakdou cienz daeuq sing: “Cinz Sinhyingj, angqcoux mwngz dauqma hagdangz.” Bakdou fwt hai lo, gou menhmenh byaij haeujbae. Mwngz aiq roxnyinh daengz geizgvaiq, doenghlaeuz baenz cien caengz, bae daengz dingj laeuz dwg mbouj dwg aeu buenq ngoenz cij daengz? Mbouj yungh yousim, siengi bae caengz lawz cij aeu naenx aenhaigven, miux cung ndeu couh daengz lo. Dienhdae hwnj-roengz mbouj yungh dien, cungj dwg yungh gij heiqli daeuq fatdienh, ndigah gizneix hoengheiq daegbied singisien. Ndaw gyausiz, gwnz daiz mbouj miz saek bonj saw, cij raen bangx daiz miz aenhaigven hoengzfw ndeu, naenx aenhaigven neix, dienz haeuj mizmaj, senj aeu bonjsaw, senj ndei daezmoeg, couj ndaej yawj lauxsae hwnjdangz lo. Aen hagdangz neix daj youwzyenz daengz dayoz cungj miz, daihgaya gag guh gij saeh swheij cungj mbouj dox gauca. Roengz dangz lo, gyoengq doengzhag byaij ok gyausiz, bae guhcaemz youzhi mizyinx de, gyoengqde geijlai angq-yangz ha!

Byaij ok hagdangz, gou bae



yawjyawj gij gwndaen ndaw mbanj, gyoengqvunz cungj youq aenranz lumj feihgih nei, gyaq “feihgih” ndaej mbin bae mbin dauq, danghnaeuz fatseng caihaih, “feihgih” couh mbin bae giz dieg ancienz. Byaij haeuj ndaw ranz, cungj mbouj raen miz daiz daengq dieg dajcawj…… Gwnz bangxcienz miz haujai haigven, cijaeu naenx aenhaigven, senj aeu mwngz siengi aeu siengi guh haenx, gijde couh okdaeuq. Moix ngoenz haetromh hwnq-mbonq, vunzgihi couh rox daeuq bang mwngz rau ndangraeuj, lwnh

mwngz yaek daenj gijmaz buhvaq, yaek gwn gijmaz doxgaiq……Mwngz aiq yienghneix cam: “Gij hong neix miz vunzgihi bang guh lo, gyoengqvunz cungj bae guh gijmaz ne?” Gyoengqvunz ndaej bae lien ndangdaej, ndaej yawj saw, mwngz siengi guh gijmaz couh guh gijmaz. Gij saedceij yienghneix cwxcaih lai lo.

Neix couhdwg ranzmbanj baez-laeng gou, vihliux saedyienh aen loqsiengi neix, daj neix hwnj gou aeu roengzrengz hagsib.

(lauxsae son’gyauq Lij Liginh)

Aencieng Mbouj Ityiengh

贵港市覃塘区蒙公镇民族初级中学七年级 Vangz Maucwnz/黄茂晨

neix couhdwg minghlingh!” Daxboh ciengi vah daxmeh gangj. Daxmeh yaengyaeng bang daxboh gip buhvaq faengx maenz namzgva…… Yaek okdou seiz, daxmeh youh fung aen hoengzbau daihgat daihleih hawj daxboh, daengq de gwnz loh aeu siujsim……

Ndwencieng cobet, daxmeh yaek bae haw cawx yw. De mbouj miz aengoemqbak canghyw yungh haenx, couh daiq song caengz aengoemqbak baengz, daenj mauh ndei okdou lo. Dauqma seiz, sien youq rog duet buhvaq baihgrog, youq rog swiq fwngz, feiz coemh aengoemqbak. Youq rog saeg buhvaq baihgrog dak youq laj gofaex ndaw suen. Daxmeh lij ngoenz-ngoenz bang gou caeuq daegnuengx rau ndangraeuj, fuengz ndangndat.

Ndwencieng cogouj, haetcaeux, daxmeh simvueng saenzdwdwd naeuz: “Dahlwg, Daihhaw miz bingh-lah binghraq bwtndat lo!……” Gou cij dwg got maenh daxmeh mbouj guh sing, daxmeh dwk song baez dienhvah hawj daxboh, cungj mbouj miz vunz cieq, daxmeh lawq lo, ngaenzngwd

ndwn dwk, daegnuengx daej yaek gwn faengx cungj mbouj leixlangh. Banngaiz, dauqdaej dwk doeng dien-hah daxboh lo, daxboh cij gangj coenz vah ndeu: “Gou caengz ndaej baema! Gou yaek caeuq vunz Daihhaw guh-doih!” Daxmeh dingqny sing daxboh, soeng gaemz heiqli ndeu, gag gangj gag naeuz: “Mbouj dwg dandan you-heiq ndangdaej de, lij lau de hoj guhhong dem.” Daxmeh ciemhciemh caem roengzdaeuq, sing unq naeuz: “Daihhaw miz binghraq bwtndat lo, sou cieq noix ndwen ndeu mbouj ndaej raen naj daxboh lo!” Gangj sat, daxmeh sawqmwh giengiengz hwnj-daeuq, riu naeuz: “Mbouj lau, lwggvai, sou miz daxmeh ne!”

Gou gingqboiq Cunch Nanzsanh laux sienseng, gingqboiq cansw buh-hau youq yihyen nyaengq guhhong, gingqboiq moix boux vunz vih hoenx hingz binghraq nyaengq guhhong! Youq aen cieng mbouj bingzciengz neix, yienznaeuz mbwn nit, hoeng ndawsim cix raeujrubub.

(boux lauxsae son’gyauq Leiz Fwnhlinz)



Bi 2020 ndwencieng, gvaq cieng feihdauh damh lai lo, hoeng gij gyaec cix lumj feiz ityiengh raeujrubub. Binghraq bwtndat lah daengx guek gak dieg, dou mbouj vueng mbouj luenh, mbouj saenq vahgyaj, mbouj caux vahgyaj, hix mbouj cienz vahgyaj. Lauxlaux saedsaed youq ranz, neix hix suenq dwg vih guekgya guh di saeh ndeu.

Daxmeh nyinhcaen son dou swiq fwngz, daxboh hix youq henz nam: “Song fajfwngz doxnu, lwgfwnz gyauca nu, laengfwngz fanfoek nu, hohfwngz sijsaeq nu, lai dongj geij

baez raemx.” Lienz daegnuengx ngamq song bi haenx hix rox, moix baez guhcaemz vanzgi le couh bae swiq fwngz ne! “Bingh gojiy re ndaej fuengz ndaej, mbouj fuengz mbouj re couh mbouj ndaej, aeu dawz diuz-mingh caeuq ndangcangq moix boux vunz cuengq youq daih’it!” Daxboh youq ranz gangjvah cieq miz faenhliengh.

Ndwencieng cosam, daxboh cieq daengz doengci bae Daihhaw cigban. Daxmeh mbouj lijgaij cam: “Mbouj dwg cuengqgyaj daengz ndwencieng cocaet ma?” “Neix couhdwg hong gou,